

Na osnovu člana 146. Statuta Općine Bihać ("Sl.glasnik Općine Bihać" br. 02/01, 06/05), a u skladu sa Memorandumom o razumijevanju zaključenim dana 20.12.2004. godine, između Općine Bihać i Projekta upravne odgovornosti u BiH (GAP-a) Općinski načelnik općine Bihać, donosi slijedeći:

Z A K L J U Č A K **o uspostavljanju Centra za dozvole** **u Općinskom organu uprave Općine Bihać**

Član 1.

Ovim Zaključkom uspostavlja se Centar za dozvole u sastavu Službe prostornog uređenja i komunalnih djelatnosti.

Centar će biti lociran u Općinskom organu uprave, prizemlje zgrade Općine Bihać, Ulica Bosanska br.4.

Član 2.

Centar za dozvole se uspostavlja radi efikasnijeg, odgovornijeg i stručnog pružanja usluga građanima i pravnim subjektima u oblastima prostornog uređenja, urbanizma i komunalne infrastrukture.

Centar za dozvole je rezultat zajedničkog angažovanja Općine Bihać i Projekta upravne odgovornosti (GAP) u okviru realizacije Pilot projekta unapređenja pružanja usluga građanima od strane lokalne uprave u oblastima prostornog uređenja, urbanizma i komunalne infrastrukture.

Član 3.

Posebnim Obimom poslova na uspostavljanju Centra za dozvole (u daljnjem tekstu "Centar"), koji je zaključen između Općine i GAP-a, regulisano je slijedeće:

- opis nadležnosti, vrste i sadržaja aktivnosti koje će Centar preduzimati,
- nosioce i raspodjelu pojedinačnih aktivnosti u realizaciji - između Općine Bihać i GAP-a,
- troškove pojedinačnih aktivnosti i ukupne troškove uspostavljanja Centra,
- podjelu finansiranja od strane Općine Bihać i GAP-a,
- rokove za realizaciju pojedinačnih aktivnosti i rok za uspostavljanje Centra u skladu sa dinamikom realizacije GAP Projekta,
- druga pitanja važna za uspostavljanje Centra.

Član 4.

Općina Bihać se obavezuje da će u okviru postojeće organizacije Službe prostornog uređenja i komunalnih djelatnosti poduzeti sve aktivnosti u cilju stvaranja optimalnih uslova za funkcionisanje Centra.

Član 5.

U okviru Centra za dozvole formira se Savjetodavni odbor za urbanizam i građenje.

Svrha Savjetodavnog odbora je pružanje podrške provođenju Projekta i davanje smjernica za rad lokalnih organa uprave i javnih preduzeća.

Savjetodavni odbor bavi se tehničkim i organizacionim aspektima Projekta.

Savjetodavni odbor broji 13 članova, koji se imenuju na osnovu Memoranduma o razumijevanju o uspostavljanju Centra za dozvole u općinskom organu uprave Općine Bihać zaključenog između Općine Bihać i eksternih institucija koje su uključene u proces izdavanja dozvola u oblasti prostornog uređenja, urbanizma i komunalne infrastrukture.

Član 6.

Savjetodavni odbor čine ovlašteni predstavnici pravnih subjekata i to:

a) FEDERALNI NIVO:

1. Federalno ministarstvo okoliša i turizma
2. JP Direkcija cesta Federacije BiH

b) KANTONALNI NIVO:

1. Ministarstvo za građenje, prostorno uređenje i zaštitu okoline Bihać
2. Ministarstvo poljoprivrede, vodoprivrede i šumarstva Bihać
3. Kantonalni zavod za zaštitu kulturnog naslijeđa Bihać
4. Kantonalna direkcija za ceste Bihać

c) OPĆINSKI NIVO:

1. Načelnik Općine Bihać
2. Koordinator Radne grupe Centra za dozvole u općinskom organu uprave Općine Bihać
3. JP "Vodovod" d.o.o. Bihać
4. JP Elektroprivreda BiH Sarajevo, Elektrodistribucija Bihać
5. Željeznice FBiH, Prometno-poslovno područje Bihać
6. D.D. Telecom BiH Sarajevo, Direkcija Bihać
7. JU "Zavod za prostorno uređenje" Bihać

Član 7.

U svrhu pružanja stručnih i savjetodavnih mišljenja, prijedloga i sugestija, kao i koordinaciju svih predloženih aktivnosti Centra i redovnog informisanja Savjetodavnog odbora o aktivnostima vezanim za implementaciju Projekta uspostavljanja Centra za dozvole, formira se Radna grupa Centra za dozvole (u daljem tekstu: Radna grupa) u sastavu:

1. Indira Semanić, dipl.pravnik, koordinator Radne grupe, Pomoćnik načelnika za prostorno uređenje i komunalne djelatnosti
2. Vanesa Arnautović, dipl. ing. arh., stručni saradnik za poslove planiranja, član
3. Azra Dautović, dipl. ing. arh., stručni saradnik za prostorno uređenje, član

4. Marina Pjatnicki, dipl. pravnik, Šef Odsjeka za prostorno uređenje i građenje, član,
5. Dženata Džehverović-Župa, dipl. ing. geod., Šef Odsjeka za katastar nekretnina, član
6. Kata Repac, dipl. ing. ecc., Pom. načelnika Službe za razvoj, poduzetništvo i obrt

Pored navedene nadležnosti, aktivnosti Radne grupe će uključivati stalnu koordinaciju i implementaciju Projekta, definisanje glavnih zadataka, prijedlog optimalne organizacije Centra, praćenje i unapređenje rada Centra.

Član 8.

Za koordinaciju svih aktivnosti na uspostavljanju Centra, provođenje zadataka Radne grupe i kontakte sa GAP-om, ispred Općine Bihać imenuje se Indira Semanić, Pomoćnik načelnika za prostorno uređenje i komunalne djelatnosti

Koordinator Radne grupe je odgovoran za dnevne aktivnosti Projekta vezane za Centar, uključujući interakciju GAP-a i Savjetodavnog odbora, održavanje sastanaka sa Općinskim načelnikom, rukovodiocem Centra za pružanje usluga građanima (Pomoćnikom Općinskog načelnika za Opću upravu i društvene djelatnosti) Općinskim vijećem i dr.

Član 9.

Način rada i zadaci Savjetodavnog odbora, Radne grupe i Koordinatora Radne grupe biće definisani i utvrđeni Poslovníkom o radu.

Član 10.

Ovaj Zaključak stupa na snagu danom donošenja.

Broj: 01/1-02-7452

Datum: 26.06.2007.

OPĆINSKI NAČELNIK
mr. HAMDIJA LIPOVAČA

Dostavljeno:

1. Općinskom načelniku
2. Koordinatoru
3. Članovima Radne grupe
4. GAP-u
5. Arhiva